

لمسة حنان من ريش جناجها

وقت عصيان الأمل

قصقت ريشك
طيرتى فى دنيا البراح
ورسمتى جرحى من نزيف اللحظة شوق
ورفعتى اسمى من سجلات الوداع
ودخلتى بيا فى الوجد
كان ليه رهانك م المبتدا قلبى
وكانت دهشتك عنوان وجودى
وانتصارك على الفراغ..
كملتى بيا خريطة المعنى..
فكنت المنتهى
شوفتىنى من خرم ابره فى كوم حصادك

أصبحت زيف ونزيف وطيف خفيف
بيرّف حوالين شمعتك خجلان..
يدخل غريب فى ليل الوحدة والنسيان
لكن سياتن أكون وياكى أو وحدى
تفرقش وياكى الحياه
ولا روح بتعلم بالحنان وقت عصيان الأمل
م المحتمل أتهدى خوفى نشي
وأعيد رهانى من جديد
على طير وحيد بجناحه ريش
لا عمره خاف ولا مسه طيش
النار بتاكل ف الحطب والخيش..

ورماده بيقى دوامات ف الريح
كتكوت فصيح طالع يصيح
وجناحه رف رفتين
وقف حزين على درفة الشيش الازاز
حيران أكيد مش لاقى بر
وما فيش مفر
لازم قرار ومفهبش شر
صحيح مضطر أتأخر خطوتين للخلف
وأبص ع المشهد
وأستنشق رحيق خطوتى الجايه لفين

رايحه وفين جايه
وفين الدنيا وخدانا تمطوحنا
وترميننا فى حضن الداية والوالدة
ما فيش فايده.. ولا فيها لا خالد ولا خالده..
لكن هنعيشها بعبالها لآخر قطره..
والمطرة بتغسلنا من الأدران
ومش شوقى اللي قاتلنى
لكن قلبه الجحود نالنى بخنجر
سمه كان نافد
وأنا وافد على الدنيا..
وعارف إنها فانيه
وبين الثانيه والثانيه
باستنشق بالهدى إسمك.